

ԱՆՅՈՐԳԸ ԵՒ ԻՐ ԴՄՄԻՔԱՆ

(ԲԱՆԱՍՏԵՂԾԻ ՅՈՒՇԱՏԵՏՐԻՑ)

Գրեց՝ ԿՈՍՏԱՆ ՋԱՐԵԱՆ

ՄԵԿՆՈՒՄ

Հոկտեմբեր, 1922.

Գալաթայի քարափի մօտ, մեզ տանող նաւը մխրճուել է լոյսերի մէջ: Վաստորը հըմայիչ է սպանական սրբուհու նման: Ամէն ինչ շարժուում է: Մզկիթները ձեղքուած կողքից արիւնալի լոյսերի ջրվէժներ են վազում, ողողում կամուրջը, հայելիանում ջուրի վըրայ, բիւրեղեայ պատմուճանով պռուկում տունների կտարին, զմբուխտի կոյտեր թափում պատուհաններից ներս, փոքրիկ հրդեհներ վառում բլուրների լանջքին, կանգ առնում օդի մէջ՝ ելեքտրական կայծեր արձակում ու հովի հետ սլանում դէպի հեռաւոր եղերքները:

Հովը ոսկէ խնձորներ է կախել: Փողոցների անկիւններից, կարմիր, կապոյտ, քրքըմազոյն, դեղնական հոսումներ են իջնում, մի վայրկեան կանգ առնում, ու հողի նման, ցորենի սոպրակներից դուրս եկող փոշիների մտրակի տակ պտտում:

Նաւը աղմկալից է եւ տենդոտ: Օդի մէջ երկաթէ շղթաները աղւաններ են կոճոտում, վազելով գլորում են վար եւ հառաչելով նորից բարձրանում:

Լեզուները խառնուել են: Նապոլիտէն բարբառը կոկորդային բացականչութիւնների միջից, թաւ ջութակի մեղեդու նման երգում է:

Ծեր հրեաներ՝ Բէմբրանդի շրջանակից պրծած անկարեւոր առարկաներ են առաջարկում եւ գիշատիչ աչքերով ճամբորդները պրպտում: Անատոլուցի թրքերը երկար փայտերի վրայ, լուսինների պէս, սիմիթներ են կախել: Ձիթապտուղի բլրակների շուրջ սեւ լոյսեր են պարում: Ձիերը ահադին բեռների տակ հեծում են: Տասնեակ կառքերից մտահոգ մարդիկ են իջնում: Կանայք, գլուխը կորցրած, պինդ սեղմում են իրենց ձեռքի պայուսակները եւ առաջնորդող տղամարդկանց շրթունքների շարժումներին հետեւում:

Ամբոխը, գայլի հոտ առած աշխարհների նման, նաւից նաւ է անցնում: Տնային առարկաների կոյտերից աթոռների ոտքերը աղօթողի դիրքով դէպի երկինք են երկարում: Անկողինների վրայ փոքրիկ երախաներ են նստած՝ ճանճ են բռնում: Ամէն ինչ զարնւում եւ բախում է: Մաստիկայի եւ թրիքի հոտ է գալիս: Պոռում են, աղաղակում են: Կառապանների մտրակները, ճառագայթներ են հընձում: Ձիերը կանգ են առնում եւ աղմկով միգում են:

Նաւը սուււում է:

Նաւը սուււում է, եւ կեանքը դարձնում է մի նոր էջ:

Դրսում, յունարէն, հայերէն, թրքերէն, ֆրանսերէն, անգլերէն լեզուներով թերթերը վերջին հեռագիրներն են հաղորդում: Լոնտոնը շուարած է, Քէ տ'Օրսէն մութ խաղեր է խաղում, Հոմը ուրախ է, Վիլհելմ շտրասսէն հըճուում է: Սոֆիայում նորից ուումբ են նետել: Միլանի Փաշխանները սպառնում են Կապիտոլին: Դ'Անուեցիոն ամականների դէզ է ժողվել Ֆիումէի ափերին: Պոլսում մի հայ կին փախել է արկածախնդիր մի դերասանի հետ: Մեծ աղմուկ: Ամէն ինչ ճարճատում է հիմից մինչեւ տանիք: Հայկական Բանկայի տնօրէնը անյայտացել է դրամների հետ: Կանայք եկեղեցիներում անէծք են կարդում, եւ քահանաները սկսել են հաւատար:

* * *

— Հայաստան կ'երթա՞ս... ի՞նչ ըրած, լաւ կ'ընես, աղբար, լա՛ւ կ'ընես...

— Ճանապարհին զգոյշ եղիր, Տրապիզոն չիջնես, քեմալականները գլխիդ խաղ կը խաղան:

— Եթէ լաւ է, գրիր. եթէ չեն սպաննում, չեն բանտարկում, գրիր, մենք էլ կը գանք...

— Անշուշտ օր մը ամէնքս ալ հոն պիտի ժողովինք:

— Հայրենիքի հողը համբուրիր... մնացել ենք շուարած...